

雙

硯

齋

詩

鈔

雙硯齋詩鈔序

先君子同年友以文字知曾亮者三人安化陶文毅新城陳石士侍郎其一則鄧公嶰筠尙書也文毅撫吳草侍郎太乙舟集旣皆敘而識之至公之詩則巡撫安徽時曾亮主講敬敷書院館署內親見其屬筆者尤多其取材也必潔淨而無疵類其句律也必精整而無頽放齟齬其於一詩之爲也不爲則已爲則必片言隻字無不愜於心者而後成每辰已見屬吏議事畢會食八箴堂時管異之馬湘帆汪平甫俱在坐方植之亦時來和章聯句談調閒作午過入齋閣治文書寂不聞聲日餉

後復會食漏一下各散去日以爲常蓋公明於知人善任使又熟察其地之殷瘠民之強弱與俗之善否而擇其人吏之所宜與地之所便否而無有愛憎厚薄之關其閒故官吏奉職鮮有敗事

朝廷無信使之遣有司無供張之困民氣安樂幕府清淨公乃得優遊平夷從容乎賓客翰墨之娛其持已之嚴應務之密合於古大臣之有守有爲者固不可以詩人擬之而於詩之潔淨而精整者未嘗不相爲表裏則公之詩乃適如平公之人也今夏三月公之子子久太守以遺稿寄示屬爲序仲卷再四多昔在署時評識之

作蓋公之官安徽也幾十年矣其總督兩廣及閩浙皆不能如安徽之久且政事之多暇也故詩於是時爲最盛卽曾亮生平酬唱之樂亦少有及斯時者事會遷異風流云亡欲如文毅及公之公私多閒講論文藝其盛事不易可得而昔會食諸君子亦先後凋逝獨曾亮藐焉幸存而得序公之詩盛衰聚散之際其尤可感也矣咸豐二年五月年家子梅曾亮撰

雙硯齋詩鈔序

公卿大人之能在於經國家利民人布衣韋帶之士在於誦說議論發明道德韓退之自言能贊王公之能而道大君子之美彼其言蓋以自多欲往而兼之而不覺其意之溢也若夫公卿大人經國家利民人能事見於天下矣而又以其餘發爲詩歌文章繇詠性情潤色鴻業飾表舒采以光國而熙時自臯夔以來迄於近世臺省名公往往而是則非特布衣之能而已矣大中丞金陵鄧公以名世應期起家經術由翰林厯出典郡今天子嗣位之初銳意登賢獨識其才嘉其政不由階資

爰自太守俾陳臬事五年之間游長方伯遂躋開府公
自念受

知殊異益殫其忠貞思所以爲政之要可以守而不敝
者曰勤曰平所至之處爬櫛隱滯顧畏輿情款款業業
求不欺其誠凡厯秦楚皖行之如一日蓋舉所謂經國
家利民人者旣優優而敷之矣而性尤耽吟詠政餘之
暇不廢拙思嘗綜生平所謂詩都爲若干卷顏曰雙硯
齋詩鈔命其部下士桐城方東樹爲之序東樹聞命悚
惶私於友人曰是烏乎可昔李商隱之作會昌一品集
序也見裁於鄭亞迄今讀鄭公所爲崇竑軒蔚波渟嶽

峙稱衛公勲德氣象遠出商隱之上因知大人之美非
大人之筆不能形而况才萬萬不及商隱其敢蹈退之
之僭言以犯茲不韙三辭不獲公固以命然後乃受而
伏讀之既卒業歎曰此殆有卷阿之遺音者與蓋公之
詩上規雅頌下薄風騷同源共流一本於溫厚故篇中
多冲澹紆餘和平之作絕噍殺猛起儼激之響至其奇
俊創獲亦如仁者之勇力能侔造化迴天地而終不以
勇力顯蓋几几穆穆之度交呈於性情文字之間而不
可以人事强者而公虛懷若無思賢不及超然燕處不
留心跡其於同時之士有一才一技之可取者悉羅而

致之揄揚稱說不啻口出蓋非但忘己所長並若忘人所短矣夫天下之理苟非己性識所有必不能兼取他人之有詩曰惟其有之是以似之又曰心乎愛矣遐不謂矣公非特能兼布衣之能而又能取之取之不已乃以下及於不能者於此益徵公性量之宏休休而不可涯渙已不然頌申伯之德者必待尹吉甫豈有以至微賤之士而敢干其職乎哉樹故爲道公所以見取及樹所以承公之意者如此然則徒論其詩之美尤公之餘事也已道光八年九月桐城方東樹序

昔楊升菴云庾信之詩爲梁之冠絕啟唐之先鞭史評其詩曰綺豔杜子美稱之曰清新又曰老成綺豔清新人皆知之而其老成獨子美能發其妙予嘗合而衍之曰綺多傷質豔多無骨清易近薄新易近尖子山之詩綺而有質豔而有骨清而不薄新而不尖所以爲老成也若元人之詩非不綺豔非不清新而乏老成宋人則強作老成態度而綺豔概未之有若子山者可謂兼之矣吾於鄧子詩亦云丁丑七月閱雙硯齋詩鈔題此蒲城米宗楷

雙硯齋詩鈔目錄

卷一 庚申至癸酉

古今體詩七十六首

卷二 甲戌 乙亥

古今體詩六十七首

卷三 丙子

古今體詩八十八首

卷四 丁丑 戊寅

古今體詩二十八首

卷五 己卯至辛巳

古今體詩六十六首

卷六 壬午

古今體詩三十九首

卷七 癸未

古今體詩五十九首

卷八 甲申 乙酉

古今體詩七十四首

卷九 丙戌

古今體詩三十六首

卷十 丁亥

古今體詩七十二首

卷十一 戊子 己丑

古今體詩八十四首

卷十二 庚寅至壬辰

古今體詩五十六首

卷十三 癸巳 甲午

古今體詩六十二首

卷十四 乙未至丁酉

古今體詩四十七首

卷十五 戊戌至辛丑

古今體詩五十九首

卷十六 壬寅至乙巳

古今體詩七十九首

雙硯齋詩鈔卷一

江甯 鄧廷楨

登燕子磯

庚申

奇境闢洪濛登臨俯太空雲連京口白日射海門紅松
子落如雨蘆花狂趁風明朝渡江去願借大王雄

夜泊金山

江上疏鐘度雲峯入暮青樓臺開四面泉水味中冷薄
霧不遮塔遠鐙時亂星灑然羨漁父煙月卧寒汀

三月廿三日紀夢

辛酉

曉日蔥蘢上茜紗枕邊清夢不離家分明昨夜依慈母

笑說長安看杏花

散館後將乞假南旋先呈諸父

壬戌

記得殷勤勸祖鞭
長安小住忽經年
敢誇瀛島承先世
稍喜泥金慰膝前
宦况如船初入海
鄉心似箭欲離弦
鴻魚爲報還家信
約畧江南五月天

永濟寺訪棲碧不遇

挂席尋禪寂
其如不遇何
徑封黃葉滿
門掩白雲多
流水三年別
懸崖兩度過
抱琴應未遠
招悵對滄波

高郵道中

癸亥

百里高沙路
蒲帆盡日過
芙蓉山郭少
楊柳水邨多
不

斷魚鰕市時聞欸乃歌一杯聊自遣清嘯出鷗波

召伯湖

召伯湖千頃鳴榔處處聞沙痕隨岸盡颿影隔隄分霧
重溼如雨鴉多飛作雲聯吟興不減把酒話斜曛

蒙陰夜發

野店人初起山城烏尙嘯壓檐霜氣重入樹月光低寒
柝催雞口新芻健馬蹏當鑪誰賣酒鐙火大隄西

羊流驛道中

一聲雞唱半天星僕僕征車不暫停凍浦踏開人跡白
亂山圍住馬頭青楓林宿霧三叉路楊柳西風十里亭

道左羊公祠尙在殘碑讀罷有誰聽

雨後登陶然亭二首

甲子

吹面西風瑟瑟寒疏林缺處見西山一聲清磬寺門近
恰有癯僧汲水還

行過審臺路轉幽積霖初歇作清遊夕陽滿地蘆花水
彷彿桃根古渡頭

秋齋遣興四首

丙寅

怒雷昨夜逐蒼蚪曉雨琤琮響竹樓漠漠沈陰吹不散
輕寒釀出十分秋

涼風颯至北窗陰筆架琴牀潤轉深客界烏闌主研墨

要翻古帖寫來禽

連宵新雨欲迎秋
小圃幽花翠幄稠
烏鵲不飛銀漢迥
一天涼意到牽牛

薄暮風生暑氣微
嫩涼已可著羅衣
鳳仙花外雨初過
幾點溼螢高下飛

題蕭山汪氏雙節堂集爲蘇潭吏部作二首

蘇潭名繼

培子乙丑分校所得士

奇行翻成偶
清操合並傳
迴瀾雙赤手
恤緯兩青年
呼搶真無地
艱難報所天
藐孤今皓首
苦廢蓼莪篇

昨歲收珊瑚
網桐孫毓秀
殊家聲承老鳳
壺範述慈烏

綸誥褒貞婦琅函集大儒感君能養志擷管紀勤劬

送王竹嶼之官杭州二首

秣陵曾記把杯時又向京華接羽儀賦別頓教千里遠
論交翻悔十年遲書生作宦終非俗名士傳家例有詩
新刻尊甫葑亭先生雙佩齋集一片盧溝橋上月照人今夜是天涯

鴛湖東去峭帆收松嶺錢江是舊遊定有前身證坡老
故令通守到杭州不妨觴詠才原大如此湖山仕亦優
羨絕板輿堪奉母絲絲官柳六橋頭

題魯海漁桐陰擬笛圖三絕

幾樹梧桐一院陰有人吹笛寫秋心傳神虧煞丹青手

紙上猶聞裂石音

賓主喧闐太乙舟

陳石士齋名

鶴飛孤調李郎傳更深殢酒

不歸去星漢照人無限秋

廉纖疏雨滴空階三弄胡牀感客懷卻憶桓伊當日事
鄉心一夜到秦淮

晚晴

半晌廉纖雨幽軒得晚晴溼雲低樹盡斜日上樓明蝶
抱殘紅墜鶯藏嫩綠輕春衫宜薄暝酒意正微醒

題鄭灌甫雪月觀梅圖

戊辰

雲裏玉妃翻寶瑟蟾蜍耐冷繁星失冰肌姑射試新妝

西風一夜香生室有人標格最高寒欲眠不眠蓮漏殘
金缸半燼錦帷卷拋書無語憑闌干長河流影向人瀉
茶煙孤嫋鶴欲下花魂月魄不分明知誰是我前身者

團扇

誰家妙製擬裁紉揮向羅襟暑欲殘入手便生風駘蕩
對人長似月團圓樂忍教秋怨含情寫曾掩春山倚醉看
要倩羊孚書雪贊不須搖動已清寒

題歸廬汪先生象

庚午

歸廬先生古之人結廬舊傍湘湖濱經神治譜千秋業
聖域賢關八袞身守身便是傳家事雙節慈親教識字

先生少孤賴兩節母撫之成立歐陽修母范滂兒小時已解全歸義舍

芬綺歲掇儒冠硯向蓮花幕下安棠舍相依皆召杜藥

言親纂陋申韓治刑名著有一編苦守芸香簏五典三

墳是能讀半壁秋鐙校豕魚有秋鐙校字圖百城古牒撐腸腹

文心鬱怒筆生花倒峽詞源氣自華蕊榜聯翩看集錦

蓬山咫尺又迴槎乙未進士徵爲武英殿校書以憂不赴

九天閶闔親臨試

帝曰此才能作吏仙令初飛葉縣鳧專城遂展襄陽驥

雅抱謙言學治初著有學治臆說九疑山下雨隨車初授甯遠繼權道州

春陵行補齊民術治道州作冷道人遵善俗書治甯遠刊善俗

書 浮沈宦海身難健引疾幡然竟肥遯爲愛吾廬歸去

來灌園始遂當年願初謁選卽作灌園圖明素志也苦念茹荼雙北堂

捧將

天語敬焚黃贈言集刻平泉石旌節坊崇大義莊先生既爲

兩母請旌於林刊之貞石曰雙節贈言集朝復乞言藝城南高閣峩峩起萬卷

藏書課孫子雞次羅胸細注經螺紋指掌閒評史著三史同

姓名元日詩成禮告存晚年每元旦必有詩告存萱蘇益壽道彌尊

去來了了營生兆自治兆域表曰龍莊歸室心跡觥觥託夢痕手訂年譜

題曰病榻夢痕錄先生本是邦之彥身世精金經百鍊錢江東

去禹陵西歸然獨峙靈光殿我識郎君乙丑年藤廳風

度最翩翩服膺爲述趨庭訓會面偏慳倚襪緣昨年捧
檄之江路化鶴丁公已歸去躡履來登雙節堂一幀遺
象猶儒素清標啐益義心融今日顰眉始識公不敢題
詩先下拜瓣香我欲祝南豐羅刹江邊已秋草蒼涼古
驛西興道我來不及見先生太息歸廬歸太早

喜雪

時節屆三九屢雨不成雪南風淡宕來海氣蒸已熱中
宵朔吹轉詰旦瑞霰結初如颺珠塵繼乃散瓊屑冷助
梅花香重壓竹枝折黃昏勢未已入夜愈聯綴衾寒睡
易醒柝凍聲欲裂晨光透熹微書幌映晶潔開門添霽

色燦若銀屏列幽意洵曠怡民情更欣悅豈惟禾稼登
兼卜萑苻絕茲州濱大海港汊肆餘孽所期屢豐年窮
黎快舖啜山城飽稻粱水鄉足魚鼈斯民足生計甯復
事剽竊念此盈尺祥一笑開眼纈推窗對玉山滿酌醪
醪冽

宿雨

宿雨不得霽滿庭生綠苔燕泥當戶墮蝸篆上簾來陰
重芭蕉展香茉莉開微涼侵暝色隨意發新醅

送甯波司馬陳江洲移官乍浦二首

辛未

極浦東南渤澥寬牙旗一角障迴瀾珥蟬清節追前輩

驅鱷威名稱此官

君曾隨李忠毅公擊賊海上

地擁湖山民俗美

分吳越海防難遙知煙雨樓邊路定有兒童竹馬歡

兩載明州治行殊果然循吏是通儒我來正要驚求友
君去偏如驥騁衢報最三年行領郡移官半壁尙分符
鴛湖儘可供吟歎莫更句留爲月湖

勘田太平卽事

箬橫東去路迢迢傍海依山入望遙
蕎麥雪深迷遠岸蘆花風起咽寒潮
地緣斥鹵生常薄人是椎愚俗未澆
慙愧道旁諸父老焚香十里漫遮邀

堇江晚晴

篷際雨聲歇當風一啟窗斷雲低遠岫殘照澹空江漾
米人爭水梳翎鳥聚缸甬東看咫尺歸棹趁奔瀧

歸獵圖

長風吹積雪飛過大蓬山一騎出林疾孤禽銜羽還寒
雲壓裘重新月趁弓彎去去尋歸路鳬洲鶴渚間

望雨二絕

梅雨久不晴一晴竟半月灌田事枯槔毋乃農力竭
望雲祝天工一雨無限好平原早稻秔官閣閒花草

九日奉化道中

不爲登高去籃輿度野原好山青一縣遠水白孤邨杭

稻秋畦路幡幢古寺門黃昏逕投宿叢菊繞籬根

出明州望京門口號

橋迴徑直水彎環繞郭羣峯擁髻鬟絕似春明門外路
秋煙一騎看西山

萬竹園舊居作四首

壬申

薄宦東南等繫匏賦歸聊復整衡茅桃花種處猶前度
燕子飛來是舊巢三徑未荒陶令宅十年重到冶城坳
先人手澤都無恙桂樹成圍竹長梢

樓臺無力起應難吾愛吾廬覺易安刪竹從教風有韻
補梅要與雪爭寒虛窗塵淨紗宜換舊壁詩多粉尙完

最愛童時垂釣處沿池添得小闌干

瓶花左畔列牙籤鎮日焚香下布簾東髮兒能受章句
齊眉婦解理齏鹽良朋憶舊車頻過羣從耽吟韻屢拈
淒絕板輿難再奉素衣無限淚痕添

不是邨居地亦偏迢然小住且隨緣出山泉水眞多事
入坐風光劇可憐早韭晚菘殊戀戀春庚秋鵠自年年
便須長作棲遲計負郭還求二頃田

題畫二絕

谷口長松澗底藤石橋山路晚登登小窗面水成孤坐
斗酒囊琴客到曾

瓜皮艇子繫前溪知有柴門傍水西行盡空山人不見
一灣紅樹畫眉颯

畫竹高平書院壁上

癸酉

我家萬竹園十畝森寒碧
竭來中山居橐筆暫爲客
東軒對小圃頗亦雜樹石
不如王子猷種竹滿第宅
乃似蘇子瞻畫竹雪色壁
芒角不可回作勢欲百尺
明月落空庭一片飛鴻跡

五湖漁隱圖

具區三萬六千頃中有幽人閒
息影鱸膾時兼蓴菜香
鷗盟獨對荷花靜我亦家居傍
五湖一峯縹緲對吾廬

他時好結持竿侶明月灣頭作釣徒

中山雜詩二十首

秣陵東去路橫斜誰種河陽一縣花
瀨水抱城山繞郭綠楊深處是官衙

城東卜吉建宮牆庭檜蔥蘢泮藻香
測景者番真得地

上頭星象應文昌

學宮舊在城外今移小東門內

虎卧龍跳筆陣雄夜深光氣尙熊熊
校官碑與平原敘

雙峙琳琅照泮宮

校官碑顏魯公送劉太沖敘皆在學宮

懷白亭懷白府君桐鄉一例誦清芬
年年父老祈春社手把椒蘭夾道焚

邑城隍神乃唐縣令白公季康邑人稱爲白府君廟後有亭曰懷白可供

吟眺

繡衣青瑱鎮相望鳴鳳搏鵬奔葉光聞道秀才祈利市

歲朝先過狀元坊

城廂有繡衣青瑱諫臣雙鳳鳴陽鵬搏狀元等坊

花園巷裏鬧餽簫仙境街前挂酒瓢貪看卧龍山色好

一時齊上望京橋

青旗爭看勸農歸桑柘陰中宿麥肥行向七鄉圩裏過
水田稜稜畫僧衣

使君膏澤徧桑疇十二鄉田報有秋催賦不須租吏到

邨邨昨已設茶頭

縣志稱每年錢糧急公者四十餘里茶頭排首設茶會催有蒂欠者罰之

農桑樂業最風清况是弦歌化已行一角小樓鐙火暗

誰家深夜讀書聲

水鄉物產最豐饒
菱藕鳧魚上市橋
第一翻匙香雪好
中廚炊出米長腰

淺紫深紅簇簇開
街頭四月賣玫瑰
一聲聲趁東風喚
多少卷簾人出來

邑產玫瑰花

人家生計最勤劬
白甌青醴似錦鋪
省識舞衫歌扇好
爲他辛苦製瓊瑜

邑民多以製瓊爲業

沽來邨釀未堪嘗
罈酒深青老酒黃
辜負醴泉名色好
酸寒不中酒材良

所出酒有罈酒老酒各種皆劣
城中有醴泉志稱其水可釀醋

秦淮流水綠波長
此處尋源可濫觴
莫道涓涓纔出碕

縠紋已帶綺羅香

東廬山爲秦淮發源之所

白湖春漲碧於油，幾箇漁舟水上浮。打槳女兒年十五，

朝朝湖水照梳頭。

中山入景曰湖，漁歌其一也。

羊墓旁鄰左伯桃，可憐生死等鴻毛。踏青人散寒煙暝，

猶聽長松戰夜濤。

縣西南有左伯桃羊角哀墓。

一區廢宅鎖莓苔，此地爭傳正學來。料得千秋好魂魄，

崇祠祇戀雨花臺。

縣有方正學先生故宅。

寺名無想通禪悅，庵號巢雲隔市闌。遊徧城南更西望，

一枝瘦塔補秋山。

永壽寺塔形家以爲補西北山勢之缺。

石羊頭角尙崢嶸，句漏仙蹤古井澄。惟有琛山更奇絕，

春分夜半看神鐙

邑有黃初平叱石處葛仙翁井皆傳會仙跡琛山有大茅君祠每於春分

夜見神鐙數百則主歲熟

花開婪尾日遲遲
擊鉢聲中費酒卮
今夜旗亭明月裏
不知誰唱竹枝詞

書適

荏苒年華又晚春
小園端合著閒身
攜鋤自劬貓頭筍
作膾思嘗雉尾尊
紙檢硬黃臨草聖
杯浮大白酌花神
曉風暮雨都吟料
掉首翻勞覓句頻

爲嚴小秋題憶秋圖

無邨秋心逼夜闌
白雲紅樹望漫漫
人從落木聲中老

夢逐征鴻到處殘
千里尊鱸齊掾去
一番蕭瑟楚詞寒
年來盡醉家山酒
莫向西風感百端

題一聲長嘯萬松間圖二首

蒼官圍住講堂青
謾謾風來酒乍醒
人語濤聲渾不辨
總和鐘響落南屏

芒屨曾踏萬松陰
獨對蚪枝擁鼻吟
何日支筇認鴻爪
鳳山頂上聽鸞音

題畫二絕

綠陰深處水如環
載酒何人撥棹還
行過石橋東畔去
脩眉一角六朝山

支筇來聽響潺潺回首琳宮夕照間恰似天台石梁上
飛流百道界秋山

偶成

新水鱗鱗沒釣磯野桃照影覺紅稀東風似惜花搖落
扶上高枝作蝶飛

篁邨九弟以素冊乞書新舊作旣應其請復繫以
詩

墨池退筆尙陵嶒手寫蠅頭滿剡藤廿載閒吟判覆瓿
一宵涼雨又挑鐙廬前王後真多愧燕瘦環肥總不憎
今夜阿連應有夢東堂佳句爾猶能

宿石虎林

迴頭天闕挂斜暉下馬從容款竹扉
煨芋枯僧雙眼碧拈花瘦佛一鐙微
苔湮斷螯蝸牛鬥煙暝承塵蝙蝠飛
月下模糊看飲羽颼颼風已欲吹衣

歲暮無事檢點一年中親朋所寄書感而有作

魚緘雁字未拋殘肯作陳陳故紙看
暗數幾人關肺腑生憎一味說平安
石頭城下浮沈易天末風前會晤難
猶有數函遲未答幾迴開闔到更闌

癸酉除夕先太宜人喪至是近大祥矣淒然作

此

忽忽今宵又歲除素衣揮涕向苦廬驚心日月堂堂去
入夢音容脈脈疏几薦辛盤虛泛蟻帖成丙舍久枯魚
爲先大父暨先太宜人
新刻合祔墓誌始成槐榆轉眼分新火忍逐東風赴
鶴書

雙硯齋詩鈔卷一終

雙硯齋詩鈔卷二

江甯 鄧廷楨 嶰筠

新正三日宗人譙集青嶰堂賦呈諸父諸兄兼示

弟姪

甲戌

竹裏開筵樂燕私辛盤會食上春時一尊爭進翻花酒
八簋同贍伐木詩杖履鬚眉俱壽相封胡羯末各英姿
道南道北都休問好誦清芬篤本支

喜雨

人日侵晨雪花舞穀日已過望新雨東風忽捲雲漫漫
迎春一雨增春寒天公作意生百穀故遣甘膏滿川陸

洗兵况值機槍無

官兵克復滑縣

九重有詔詔蠲租邨農歡喜手加額東塍西塍抽宿麥
今年料得是豐年市中買鋤好耕田我雖無田亦笑樂
小園催放梅花萼

嚴鐵圃秋郊得鹿圖

書生豪氣在怒馬出長林落葉千盤路秋風萬里心呼
鷹荒榭古卽鹿斷巖深小隊行歌去高原積暮陰

錢浩然修禊圖

清漪曲曲帶修林鸚鵡螺浮豁素襟疑是會稽王內史
親攜絲竹到山陰

送董松門赴粵東省觀

莫愁湖邊春水綠石城橋上驪駒促執手留君且勿行
爲君試唱陽關曲君有奇才抵百朋靈襟朗抱玉壺冰
天人久已通三策裘馬何曾耀五陵子雲奏罷長楊賦
鵠立銀袍嗟未遇青海留充冀北羣碧山歸向江南住
卜築秦淮西復西人傳江總宅青溪市階花藥和雲種
插架琳琅映雪題論交爭吐如虹氣賓是羊求主仲蔚
說劍頻聞集勝流曳裾那肯干時貴小閣焚香讀異書
囊琴斗酒夜涼初英詞元白齊低首妙墨倪黃總不如
昔年山水恣幽討南歷牂牁西蜀道銅鼓山頭日半曛

浣花溪上春偏早
皖國前年放櫂回
是時我亦賦歸來
花晨月夜聯翩聚
玉盃金尊傾倒開
招攜不厭過從熟
意氣如雲心歎服
書就思將玳瑁裘
詩成更盥薔薇讀
鬪酒徵歌興正長
幡然惜別咏河梁
閒拋江上三山月
去跨仙人五色羊
粵東未到吾能說
庾嶺梅花送金埒
桂海春深雨似煙
珠江夜半潮如雪
山色羅浮入畫圖
三春花鳥四方無
千林荔子飛胡蝶
萬樹桃榔叫鷓鴣
尉陀宮畔喧官鼓
畫戟油幢開幕府
燕寢三朝彩袖垂
鯉庭再過笙歌補
侍奉餘閒更下帷
榕陰庭院日遲遲
好攜穀甫端溪石
盡和東坡嶺外詩
相思祇我成孤坐

青玉山房白雲鎖五嶺風煙我憶君六朝金粉君懷我
莫歎延津會合難行將西笑望長安綰符萬一來南海
更把清尊拾墜歡

武林道中賦呈少峯前輩二首

放晴天氣尙徘徊且趁東風一櫂開楊柳綠拖新水去
桃花紅上客舟來小橋幾曲尋芳路瘦塔孤撐望遠臺
鴻爪雪泥重認取湖山佳處記追陪

邨畦郢繡帶陂塘俗美先知政有方宿雨三犁齊布穀
春泥一路止栽桑君居名郡沿風雅我恰閒身愛景光
要乞甕頭眞一酒段家橋畔泛千觴

王潛庵招遊湖上次純甫韻

風定湖波似掌平
蘭橈輕傍六橋行人如西子
鏡邊坐雲向北高峯上
晴花港漁舟歸棹緩
竹鑪僧院試茶清
郭熙蒼翠倪迂淡
儘把閒情作畫評

遊理安寺贈了圓上人

盤輿宛轉石谿衍
古木深深曲徑斜
界道龍泉雙瀑下
當樓螺髻一峯遮
竹間客至頻燒筍
花外人多盡采茶
最愛清涼亭子好
從君結夏話煙霞

龍井

我遊碧螺峯
遂達風篁嶺
支筇撥藤蔓
窅然見龍井
冷

冷青琴瀉瑟瑟蒼玉冷藻荇紛幽香毛髮鑑孤影老僧
抱甕來留我試佳茗盛之定光盞瀹以頭綱餅清風生
兩腋飛上最高頂長嘯驚靈湫獨抱領珠醒

錢塘懷古八首

高峯天外鬱嵒巖極目煙嵐霸氣銷犀弩於今低濁浪
鴟夷終古怒寒潮北征粉黛三春老南渡山河半壁凋
秋草六陵何處所冬青久已付薪樵

孤山寺下藕花居澹靄濃煙畫不如處士歸來惟放鶴
將軍老去但騎驢珍珠泉冷通侯第瑪瑙坡存劫火餘
重向半閒堂下過可憐蟋蟀滿榛墟

晴光百六聖湖春欲話風流迹已陳
天與晁黃開畫本
地經蘇白幾詩人
總宜園裏清歌換
有美堂前夜宴頻
怪底句留拋不得
此間原合著閒身

鄂王墳上叫冤禽
少保荒邱樹接陰
西市沈淪三字獄
南宮翊衛八年心
千秋信史同先後
百尺豐碑自古今
欲弔忠魂向何處
南屏山下暮鐘沈

鹿頭艇子鳴頭波
簫管樓臺照綺羅
三變新詞三影曲
小青哀怨小紅歌
馬塍依舊唐花早
烏榜從來越豔多
拾翠人尋蘇小墓
搓酥滴粉奈卿何

西天靈鷲忽飛來
妙法蓮花到處開
伏虎山中歸帶月

呼猿洞口嘯如雷三生化石逢圓澤一杖挑雲訪辯才
好洗塵容參密諦南宗不斷講經臺

看經樓外接蒼茫逸事爭傳快雪堂畫舸浮家張伯雨
蒲團屬句駱賓王烹茶有客通三昧薦菊何人禮瓣香
每過旗亭憶淮海至今猶唱滿庭芳

幾日青鞵踏翠微松關竹隴是耶非春衫酒漣痕猶在
雪爪泥蝠印已稀西崦流雲遮塔重東風吹雨過江飛
花開陌上增惆悵好唱錢王緩緩歸

龍潭道中

輕橈晚晚趁潮生祇隔秦淮一日程芳草坡陀春放犢

雜花門巷曉聞鶯
京江飛雨隨人渡
建業羣峯夾岸迎
園裏鼠姑應未了
歸時猶喜及新晴

馬靈川洗桐圖

俗塵不到處嘉樹森清陰
對此太古境悠然高士心
識田淨微滓秋色歸疏林
佇挺龍門幹快聽雛鳳音

方澄源松化石

後果前身總抱貞
摩挲誰與證三生
須防躍入延津去
重化龍鱗挾雨聲

題陳漁浦大令出關圖二首

大令曾隨成都將軍
豐公紳征果羅克

萬里龍沙冷鐵衣
簡書懷懷載

天威雄關一道紅旗出雪閣同雲不敢飛

千軍如虎亦如貔絕徼無垠露布馳馬上何人磨盾鼻
少年爭指傅脩期

將之任關中及門諸子餞余於得嘉蔭軒敘別言

懷輒成四律

又向西風一據鞍心情無那曉雲寒腸迴空灑臯魚淚
齒冷重彈貢禹冠憶賦南陔悲短日眞成西笑望長安
蓬山久已巢痕掃怕聽清鐘夜倚闌

北渡涇流驛路平巖疆迢遞帶邊城提封更拓周秦舊
經略爭傳韓范名沙磧牛羊閒夕照石田簞笠課春耕

當年菱舍渾難忘猶自鶯花夢四明

圍坐長筵迭獻酬驪駒半日且句留文章自詡工青眼
師友相看尙黑頭衰柳難羈金勒駐落英喜共玉蛆浮
渭城合是今宵唱西指秦關正晚秋

馬齒空驚四十霜一尊與爾話行藏無田官要盟清白
作吏書猶愛縹緲華省看人登袞袞青春背我去堂堂
鴻文藻飾增怊悵欲效桑榆事正長

諸君以余四十
初度製文爲壽

新鄉道中

疏林已搖落積潦尙縱橫新月淡無影征塵寒不生人
煙暗荒驛山氣壓秋城飲馬更西去悠悠遠道情

余以七月十二日自金陵入都八月二十八日奉
命出守秦中十月朔行次安陽賦呈吳玉松太守前輩
記趁新涼放客舟征衣今又著重裘迢迢關塞趨三輔
草草輪蹄過一秋杖策勦名餘廢壘用吾家高
密侯事登臺歌
吹咽寒流銅雀臺址
在漳河東黃初賓客推吳質才望眞應管此

州

賀朱虹舫同年擢洗馬

威鳳朝陽刷羽翰雲中又聽

詔銜鸞蕉園久領溫公職

君提調史
館最久

草制新除衛玠官小刼我猶慙綰赤大還君已漸成丹

文章報

國書生事莫作尋常畫錦看

今夜鄜州月二首

二月十日之任延安道中作乙亥

今夜鄜州月千山與萬山煙光迷近郭嵐氣帶邊關
犢卧春耕晚烏曉客思閒斷巖殘雪映遙爲照衰顏

今夜鄜州月莎廳小宴開民餘淳古意吏是謫仙才
問

政思同楫論交豈異苔便須踏花影步屣草堂來
是夕鄂潤

泉刺史留飲小閣劇談甚樂

郡齋玫瑰四絕句

牡丹零落茶蘼老次第穠華褪曉妝留取一分春色在

當風合佩紫荷囊

荒園寂歷鎖蒼苔不道芳叢火齊開喜煞三生狂杜牧
酒闌忽見紫雲來

前年瀨水讀書處曾向空山見此花

溧水產玫瑰最盛前年主講高平得

縱觀

過眼煙雲太飄忽又來邊郡訪丹砂

朝來小摘滿筠籃和入餠飴味益甘止少行廚好櫻筍
教人回首望江南

齋中供紅白芍藥二種同人譙集賦詩禁使玉盤

金帶浩態狂香嬌紅醉粉諸字

天彭百馱儵忽老婪尾又被東風催政如明月向空盡

自有夜珠餘光來惜花惟恐花事了折供棐几陳尊罍
膽瓶瘦壺雜盆盎以水灌莖火灼荻斗室爛作朝霞色
左欹右捧紛相偎散花天女太狡獪撒手羞煞千玫瑰
就中一種更嫵媚蛾眉淡掃肌皚皚白描乃是吳道子
玉毫妙相超氛埃東皇作意示矜寵米囊玉藥真與儔
賓朋聚觀滿四座縱談劇飲銜深杯酒酣大笑歡如雷
而我對此心徘徊憶昔簪毫躡蓬萊詞頭封送花口開
宣南坊前暫休沐招邀名士遊豐臺有時擔頭百錢買
蜂蜨亂逐輕車回攜壺挈榼折短柬伸紙奮筆爭新裁
自從綰符去香案塵俗早被花神哈何期深山更相值

如逢舊雨重追陪
花盜小閣聊復爾
鸞飄鳳泊吁可哀
客起酌我前致語
人事自古相排推
此邦久頌魏公蹟
今君來繼甘棠栽
廣陵舊事差足擬
祝君他日登三台
我聞謝客勿復道
此語毋乃疑嘲諤
對花且放玉山倒
亟呼大斗傾新醅

南郊勸農歸至慈雲寺看牡丹二首

山城連日聽春鳩
趣稼來行綺陌頭
親檢農書咨父老
閒依芳草話田疇
時平不牧臨洮馬
俗美應牽渤海牛
自是關心民事急
青旗豈爲作春遊

精藍半晌駐青驄
已過連番廿四風
百尺絲絙官道綠

地名千堆錦傍佛鎰紅尋芳試問春前後煮茗閒評地
柳林下中但願春膏占甲子養花助麥總天工

山靜日長賦此遣興二首

雙旌萬里一官廬回首蓬瀛事已虛吏俗何曾居有竹
山深不但食無魚句稽易了甯留牘結習難忘且讀書
日月關心惟好雨東臯引領待興鋤

五月纔披白袷衣閒花落盡暗塵飛一琴姑說此閒樂
三徑每懷他日歸勸課農桑差不厭送迎冠蓋幸猶稀
名藍多在清涼界便擬攜壺上翠微

純甫大兄賦何處端陽好如千首各詳風土藉紀

遊蹤不啻淮南草木之篇直如荆楚歲時之記

效顰四律聊侑一觴

何處端陽好風光白下門
鴉鬟簪艾葉雀舫載桃根
紅板鐙千點青溪酒一罇
龍舟來九曲簫鼓徹黃昏
何處端陽好當年采石居
沙汀飛宿鷺江網上鱗魚蛙
鼓迎潮聚螺峯挹翠虛
然犀亭俯瞰百怪已全祛
何處端陽好薰風近

紫宸

御園陳賀早宮絹拜

恩新

戊辰四月杪
林呈進詩冊楨特拜庫紗之

聖駕自淀津回鑾翰
賜

團扇開簾

篋輕車碾麴塵三蕉微醉後金粟悟前身

何處端陽好佳時記甬東溪橋蒲劍綠海舶荔枝紅張
蓋喧遊女操舟舞卅童堇江方競渡恰趁落梅風

喜雨聯句五十韻

節序當芒種陳淳爲霖仰碧霄甘膏遲化坎廷楨清眇不興

苗離畢頻占月李元祺揚箕只扇飈油雲空靉黳蔡義杲

日太矜驕齊盼商羊兆鄧廷楨應焚旱魃妖檢書推甲子

淳考禮率寅僚龍見精禋肅廷楨鼙鳴令典昭揚旛同引

領元祺奠玉或低腰虔切堆薪誓義醇忠抒聚艾焦雩壇喧

畫鼓廷楨社曲奏瓊簫默契天人近淳潛通山澤遙蟻泥

封疊疊

延楨

鳩羽喚脩脩膚寸欣初合

元祺

翻盆冀可微細

縑凝霧縠

義醇

黯淡斂霞綃儵忽奇峯矗

延楨

喧厖萬弩剽

石邊迷舞燕

淳

煙際失盤雕絲細橫斜織

延楨

珠輕錯雜

跳隨風霏薄暮

元祺

和漏入中宵滴瀝驚幽夢

義醇

溟濛溼

綺寮灑階聲寂寂

延楨

穿隙氣蕭蕭殘柝音逾杳

淳

孤鐙

影獨搖小樓聽徹夜

延楨

蠟屐響連朝壓屋炊煙溼

元祺

登

場曝麥漂神漿甯破塊

義醇

急溜已平橋海立羣鱗下

延楨

河傾陣馬囂跋烏當午現

淳

蟠竦向東消自領沿邊郡

延楨會乘問俗輶平沙連朔漠

元祺

疊嶂聳嶢嶢澗有奔騰

水

義醇

溪無澹灩湖農疇艱稼穡

延楨

地利採芻蕘潤待公

田足停功資帝澤饒果然元液被延具見化工調翠甸

紛臺笠元青畦試袞穠川原全藝黍義隴阜亦敷蕎豐

稔千箱叶延盈甯百室邀報成應賽虎淳索饗定迎貓

畝有栖糧慶延衢聞擊壤謠臚歡看戴白元鳴豫徧垂

髻豈但康年卜義兼堪好景描瀑泉飛乙乙延岫黛望

迢迢眼放隄邊柳淳心抽屋外蕉侵簾芳草嫩延上架

豆花嬌衣婉防篝冷元檠長倩燭燒儘教凭桂檻義可

惜少蘭橈欣賞人相對延評量客互招玉壺前日買淳

巢菜此番挑樂意聯牀話延空腸得酒澆分曹披畫幘

元隔座送詩瓢底事頻敲盞義誰家慣奪標兩歧書上

瑞庭
楫廣和祝

皇堯
淳

雨後見月

綠淨不可唾悄然升遠天美人新浴罷弄影更娟娟夜
意靜如此秋光清可憐停杯鎮相對目送女牆邊

嘉嶺山尋范文正公讀書處

乙亥二月月幾望捧檄延州度千嶂馬頭忽現嘉嶺山
大字摹崖屹相向怪螭蟠屈瘦蛟舞乃是龍圖老子之
筆仗聞道當年帥此邦屢躡巉巖寄幽曠手持螯簡揖
山靈一種清虛悅來貺我覽公書心已欽我思公蹟神

逾王初爲運轉副夏竦繼以曹郎扼邊障罷權招流亡
營田省輸饗堅壁老敵師焚書斥賊妄一十二砦脣齒
聯萬八千軍虎貔壯威名不屑淮陰韓盛德應同丞相
亮坐使西人破膽驚卻馬回戈不敢抗豈知公餘示整
暇歎歌更踞茲山上方悟胸中數萬兵都由五千挂腹
撐腸相醞釀我來登山尋舊蹟豈有遺民足諮訪山前
聞清鐘山後發樵唱摘星無復蠱危樓古井空餘白雲
漾嗟哉九京安可作仰止高山意怊悵他年青鞵布韞
遊圭峯定從霧閣雲窗覩真相

圭峯公少時讀書處也

記園中草木十二首

并序

山城磽确少暄多寒卉木旣稀春事尤晚三月
以後砌草始青嗣是芳樹雜花稍見生意前軒
後圃次第呈妍芟薙榛蕪時復楚楚物少爲貴
此其是矣昔蘇子由記園中草木東坡和之輒
仿其意各繫短句得如千首行將別去亦雪泥
鴻爪之意云

孤根纔壓小巔峴已作霜皮黛色看不是後彫風骨在
可能耐得北山寒

柏

音聲莫漫憶都堂長日分陰到曲廊偏是花黃縈舊夢

少年時節下帷忙

槐

千絲萬縷碧垂垂披拂簷牙帶井眉
牽惹春情到鄉國
白門殘月曉風時

柳

莫說深山春色遲牆東一樹見嬌姿
馬蹏十里銅街路
猛憶看花得意時

杏

鼠姑香逐曉風開渲染荒齋作錦堆
見說今年最繁盛
東皇破格送春來

牡丹

幾日空階茁怒芽一番紅雨放仙葩
狂香浩態風流甚
邨肯低頭富貴花

芍藥

濃陰深護綺窗疏珠顆垂垂過雨餘
記得宣南坊下住
小軒東畔種雙株

蒲萄

離離一樹近牆東
丹實擎來八月中
擬共瓜壺留粉本

要將農事繪幽風

聚

不是籬邊裏
露栽預分秋色
點莓苔如何陶令清狂甚
也許人閒熱客來

六月菊

淺碧輕紅脆李如平頭
捧進曉涼初
歛州螺子宣州紙
窗下剛臨逸少書

來禽

不宿沙鳬不狎鷗
疏枝故故弄輕柔
幾回風露閒階下

錯認蒼茫水國秋

蓼

籬邊爲爾翦蒿萊
扶醉相看日幾回
便可從今訂佳友
他年三徑伴歸來

菊

府谷行館題壁

滿眼秋光九月初黃花詩酒興全虛城懸絕巘盤雲上
河挾驚湍過雨餘問俗暫停金絡馬嘗新飽啖石花魚
今年米賤真堪喜鴻雁歸來已輯居

石花魚

頓觸煙波趣邊城見亦稀柳穿銀甲細薑鱸玉肌肥白
酒雲漿瀉黃河雪浪飛秋風歸未得空自夢漁磯

蓮花白

樣合潘妃步光疑姑射膚香苞深破玉嫩甲穩含珠雪
圓根初劚晶盤味獨腴醉餘供細嚼爲爾傳冰壺

九日鎮羌曉發體小不憚輿中賦此

卷旆風吹曉舉帷霧結陰路隨山勢遠秋近塞垣深境
僻醫難覓心勞病易侵馬蹏空蹠蹠慚愧說登臨

沈陰累日山行悶甚醉後走筆

東南曉望停雲停西北暮失青山青一日二日釀不足
三日五日天冥冥填河塞漢勢未已烏踰走匿蟾蜍死
壓折北斗杓難傾堆滿南箕簸不起缺何須女媧補堅
不許巨靈擘百千萬億兜羅棉裝作天衣無縫續石非
泰山觸氣非雲夢蒸應是盤古墳中千年不散之陰霧
之梁海上萬劫不治之陽冰一時齊向秋空升幻作白

衣蒼狗鋪層層我行深山正畏雨日日沈霾封礧戶野
店一鐙綠如豆鵲鵲夜叫蝙蝠舞填胸塊壘多於雲使
我浩氣抑塞磊落不得吐安得吳剛利斧秦皇鞭斫破
渾沌驅頑涎風馳電掣飛輕煙頃刻迅掃歸山淵洞開
閭闔窺青天玉盤洗出當頭圓對之縱飲酒如泉酒酣
更作撓雲篇

行部編查保甲示諸僚友

保甲本周官法良意甚美庶幾厚風俗匪啻息奸宄所
以稽載籍循吏難僂指要之課治行罔不自茲始矧乃
朔方郡廣袤千餘里邊關重鎖鑰砦堡互脣齒絕塞窮

風沙疊嶂阻岷嶴稽覈苟未至法度毋乃弛比歲數不
登死亡雜遷徙今年稍生聚及此好爲理鄉約古黨正
非與廝役比後來失厥職官輒肆鞭箠自好者不爲爲
者益靡靡一丁且不識豈復能辦此蚩氓旣愚曹胥吏
亦譎詭殊符所到處奉行故事耳所希牧令賢遠近必
親履脈絡聯鄉邨叢脞愼城市綱舉目乃張紋羅掌可
視守望一以嚴宵小甯不弭方今

至尊勞求治肅綱紀鬼蜮未就禽亟亟降

明旨此心脫不盡何以爲臣子努力答

宵旰毋蒙素餐恥

新豐懷古

驪山北去渭流東
萬瓦如鱗鎮尚雄
雞犬當時知故宅
枌榆何處認離宮
酒樓傭保鄉音在
獵陳旌旗畫錦同
畢竟杯羹言太忍
承歡枉自築新豐

雙硯齋詩鈔卷二終